



Convenio entre a Axencia Galega da Industria Forestal (Xera) e a Fundación Arume polo que se lle concede unha subvención autonómica á Fundación Arume, para a dinamización sectorial, promoción e posta en valor da cadea monte-industria de Galicia no ano 2025.

En Santiago de Compostela, na data da sinatura dixital

REUNIDOS

María Jesús Lorenzana Somoza, conselleira de Economía e Industria, segundo o *Decreto 44/2024, do 14 de abril (DOG núm. 73) polo que se dispón o nomeamento dos titulares das consellerías da Xunta de Galicia*, na súa condición de presidenta da Axencia Galega da Industria Forestal, en virtude do establecido no artigo 11 do *Decreto 81/2017, do 3 de agosto, polo que se crea a Axencia Galega da Industria Forestal e se aproban os seus estatutos* e do *Decreto 140/2024, do 20 de maio, polo que se establece a estrutura orgánica da Consellería de Economía e Industria*.

Xosé Manuel Mera Iglesias, presidente do padroado da Fundación Arume en representación da Asociación Galega Monte Industria.

Todas as partes actúan no exercicio dos seus respectivos cargos, coa representación legal que ostentan, e recoñécense mutuamente capacidade para se obrigaren nos termos do presente convenio.

EXPOÑEN

PRIMEIRO.- Que a Axencia Galega da Industria Forestal (XERA) ten como finalidade principal actuar como un instrumento de xestión eficiente no exercicio de funcións relacionadas co impulso da actividade económica asociada á industria forestal e coa mellora da competitividade e da innovación das empresas do sector.

SEGUNDO.- Que, consonte o artigo 2 do *Decreto 81/2017, do 3 de agosto, polo que se crea a Axencia Galega da Industria Forestal e se aproban os seus estatutos*, a Axencia ten entre os seus obxectivos procurar a diversificación dos produtos do monte destinados á industria forestal, promovendo sinerxías entre os distintos sectores da cadea monte-industria, mellorar a competitividade e a innovación das empresas do sector forestal desde a primeira fase de transformación do recurso e con especial incidencia na



segunda e seguintes fases, así como incentivar a divulgación e formación sobre actividades coherentes coa conservación do patrimonio natural e a biodiversidade, e coa xestión sustentable dos recursos, así como favorecer a transferencia de coñecemento e tecnoloxía entre os diferentes axentes vinculados á cadea forestal-madeira.

TERCEIRO.- Que a Fundación Arume constituíse en escritura pública outorgada en Santiago de Compostela (A Coruña) o 10 de xuño de 2019, ante o notario Héctor Ramiro Pardo García, co número de protocolo 556 e mediante resolución do 11 de maio de 2020 da Secretaría Xeral Técnica da Consellería do Medio Rural (DOG Núm. 95 de 18/05/2020), declarouse de interese galego e se ordenou a inscrición no Rexistro de Fundacións de Interese Galego da Fundación Arume obtendo o número 2020/00005. É unha entidade privada sen ánimo de lucro, dotada de personalidade xurídica e patrimonio propio e con plena capacidade de actuación e que ten, entre os seus fins fundamentais, promover o valor e uso dos montes galegos e que aspira a converterse na referencia en Galicia na integración da cadea monte-industria, desde a propiedade forestal ata a transformación da madeira. No seu Padroado, están representadas asociacións de propietarios forestais, asociacións de viveiristas, empresas de servizos forestais, entidades industriais (adicadas ao aproveitamento e serrado da madeira e á fabricación taboleiros), universidades e entidades financeiras.

CUARTO.- Que a Fundación Arume enfoca as súas actuacións á preservación e comunicación dos valores ambientais, culturais, sociais e económicos vinculados das superficies forestais e ao uso de madeira de Galicia, así como ao incremento da resiliencia dos montes e á diferenciación, promoción e fomento do consumo da madeira de local en todos os ámbitos, ao uso de produtos certificados e ao impulso do desenvolvemento de novas aplicacións da madeira con produtos de maior valor engadido. Para acadar estes obxectivos, organiza todo tipo de actividades de sensibilización, promoción, formación, I+D+i e transferencia de coñecemento con especial dedicación á cadea de valor das coníferas, ámbito no que desenvolveu o rexistro da marca **de garantía "Pino de Galicia" que certifica a calidade e orixe galega dos produtos** e no que traballa en ámbitos como a mellora xenética, a sanidade forestal, ou o desenvolvemento de novos produtos e mercados de alto valor engadido.

QUINTO.- O presente convenio estará sometido á normativa autonómica en materia de subvencións, en especial aos artigos 19.4 e 26 da Lei 9/2007, do 13 de xuño, de Subvencións de Galicia, e os artigos 36 a 40 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.



Así mesmo, cumprírase co previsto no artigo 48.7 da Lei 40/2015, do 1 de outubro, de réxime xurídico do sector público.

SEXTO.- A sinatura deste convenio responde a razóns de interese público, social e económico, na medida en que as actuacións previstas contribúen á promoción da xestión forestal activa e sustentable dos montes galegos e á dinamización económica da cadea monte-industria. A colaboración coa Fundación Arume permite impulsar proxectos estratéxicos como a mellora do estado fitosanitario das masas de coníferas, o apoio á investigación e á formación especializada, a sensibilización e o fomento da transferencia de coñecemento técnico e científico nos ámbitos intra e extra sectorial e á cidadanía en xeral así como o desenvolvemento de novos produtos e mercados de alto valor engadido. Todo iso redunda nun beneficio directo para a conservación ambiental, a competitividade do sector forestal galego e o benestar das comunidades rurais.

SÉTIMO.- Que, co obxectivo de apoiar a labor da Fundación Arume no desenvolvemento de actuacións de promoción e dinamización sectorial, de posta en valor das superficies forestais e de potenciación das súas madeiras para xerar un ecosistema sostible que contribúa activamente a unha maior riqueza forestal, á mellora do medio rural, ao benestar da cidadanía e ao desenvolvemento económica de Galicia, propónse a sinatura dun convenio de colaboración coa Axencia Galega da Industria Forestal.

En consideración a todo isto, acordan a sinatura do convenio de acordo coas seguintes

CLÁUSULAS

PRIMEIRA.- Natureza

O presente convenio ten natureza administrativa e rexerese polas súas cláusulas. En todo o non sinalado estarase ao previsto na normativa autonómica en materia de subvencións, en especial aos artigos 19.4 e 26 da Lei 9/2007, do 13 de xuño, de subvencións de Galicia, e os artigos 56 a 40 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Así mesmo, cumprírase co previsto no artigo 48.7 da Lei 40/2015, do 1 de outubro, de réxime xurídico do sector público.

SEGUNDA.- Obxecto

Este convenio ten por obxecto instrumentar unha subvención directa da Xunta de Galicia á Fundación Arume a través da Axencia Galega da Industria Forestal para o desenvolvemento de accións de dinamización sectorial, promoción e posta en valor da cadea monte-industria de Galicia.

TERCEIRA.- Actuacións a desenvolver

As actuacións ás que se refire a cláusula anterior que serán financiadas con cargo a este convenio son as seguintes.

I. Encontro intersectorial

A Fundación Arume organizará un encontro intersectorial de carácter profesional que, situando no centro á cadea forestal-madeira de Galicia, articule un espazo que fomente a cooperación e a hibridación entre sectores, que permita a identificación de boas prácticas, posibilite a transferencia de coñecemento tecnolóxico e investigador arredor, tanto do recurso forestal como da súa valorización mediante a transformación industrial.

Por engadido, servirá para poñer de manifesto os valores históricos, culturais e ambientais do monte galego e do papel que o ámbito forestal pode xogar, actualmente, na mitigación do cambio climático así como a contribución que o aproveitamento, transformación e uso sostible dos recursos forestais poden desempeñar na consecución deste obxectivo.

De modo particular, contemplarán a promoción e a valorización da madeira de coníferas de Galicia pola súa directa vinculación e transcendencia como actividade económica desenvolvida, principalmente, no ámbito rural.

A inscrición no encontro será gratuíta e, na definición do programa e configuración do panel de persoas que intervirán, procurarase acadar unha proporción equilibrada en canto ao xénero.

Coa pretensión de maximizar o alcance e impacto do encontro, ademais da participación presencial, habilitarase a posibilidade de participación en *streaming* e a gravación colgarase nunha plataforma online de vídeo de acceso público.

Para contribuír ao bo desenvolvemento do encontro intersectorial anual, a Fundación Arume xestionará e asumirá os custes das invitacións, viaxes e aloxamento dos poñentes así como da atención aos asistentes.

II. Xornadas e materiais de divulgación

A Fundación Arume organizará accións de divulgación dirixidas ao segmento infantil e/ou xuvenil que trasladen aos máis novos nun ambiente lúdico o papel que teñen os bosques e as áreas forestais na produción de bens e servizos que necesitan na súa vida diaria así como os seus valores sociais, ambientais e culturais.



As xornadas e materiais de divulgación deberán cumprir os seguintes requisitos:

- a) Forma: deberán adoptar a forma de cursos, pímulas formativas, xornadas, talleres, coloquios, festivais, campañas de divulgación, documentais, vídeos, publicacións ou folletos.
- b) Edicións: poderán realizarse nunha ou varias edicións, ben sexa porque se organicen en diferentes localidades ou se repitan noutra data ou horario.
- c) Modalidade de realización: poderán ser presenciais (con asistencia das persoas interesadas nun lugar determinado), en *streaming* ou sen participación directa (como no caso de campañas de divulgación, folletos, etc.).

CUARTA.- Gastos subvencionables

1. Os gastos obxecto de subvención son aqueles necesarios para a execución das actividades relacionadas na cláusula sexta Poderán ser subvencionables os gastos necesarios para a execución das actividades en que se incorrera desde o día 01.01.2025.

2. O Imposto sobre o valor engadido, excepto cando non sexa recuperable conforme á lexislación nacional sobre IVE, non é financiable tal e como se recolle no artigo 29.8, da *Lei 9/2007, de 13 de xuño, de subvencións de Galicia*. No caso de que o IVE poida ser subvencionable, as persoas beneficiarias deberán presentar a xustificación documental de non suxeición ou exención do imposto emitida pola AEAT.

3. A Fundación Arume poderá concertar con terceiros a execución total das actuacións obxecto deste convenio. Os contratistas quedarán obrigados soamente ante a Fundación Arume, que asumirá toda a responsabilidade da execución da actividade subvencionada. En ningún caso o custo de adquisición dos gastos subvencionables poderá ser superior ao valor do mercado.

Para a subcontratación estará sometida ás obrigas establecidas nos apartados 3 e 4 do artigo 27 da Lei 9/2007. Ademais, estará sometida ao recollido na *Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014*.

Os contratistas quedarán obrigados soamente ante a Fundación Arume, que asumirá toda a responsabilidade da execución das actividades subvencionadas. En ningún caso o custo dos gastos subvencionables poderá ser superior ao valor do mercado.

QUINTA.- Obrigas da beneficiaria



1. A Fundación Arume, na súa condición de beneficiaria e co fin de garantir a execución do obxecto do presente convenio, obrígase a:

- Presentar, no prazo de quince días naturais desde a data de sinatura do convenio, unha memoria de programación de obxectivos específicos e actuacións a realizar, que será aprobada mediante resolución da persoa titular da dirección da Axencia Galega de Industria Forestal.
- Levar a cabo, directamente ou en colaboración con outras entidades, as actuacións da establecidas neste convenio debendo proceder, en consecuencia, á asignación dos medios humanos e materiais que sexan necesarios e, de ser o caso, á contratación das colaboracións externas que se precisen para o seu desenvolvemento.
- Financiar con fondos propios a xestión das invitacións, viaxes e aloxamento dos poñentes así como a atención dos asistentes vinculadas da actuación **"I. Encontro intersectorial"** descrita no presente convenio, cun orzamento global estimado de 20.382,36 euros.
- Comunicar calquera variación das datas, horarios e localización fixados na memoria de programación de actividades cunha antelación mínima de 2 días.
- Presentar a documentación xustificativa da realización das actividades e o cumprimento da finalidade que determinen a concesión da subvención.
- Usar en toda a documentación xerada polo convenio os logotipos que aparecen no encabezado deste documento, de acordo co previsto na cláusula décimo sétima primeira e facer figurar, expresamente, o financiamento da Axencia Galega da Industria Forestal.
- Facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.

2. Ademais, previamente á sinatura do presente convenio, presentará á Axencia Galega da Industria Forestal a seguinte documentación:

- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- Declaración xurada na que conste o compromiso de cumprimento das obrigas contempladas no artigo 11 da Lei 9/2007, do 13 de xuño, de subvencións de Galicia, sen prexuízo do disposto no artigo 31.7 da Lei 9/2007.



- Autorización á Axencia Galega da Industria Forestal para solicitar as certificacións emitidas pola Axencia Estatal da Administración Tributaria, a Tesouraría Xeral da Seguridade Social e a Axencia Tributaria de Galicia, que acrediten que a entidade se encontra ao corrente das súas obrigas. A dita autorización estará en vigor durante a vixencia do presente convenio.

SEXTA.- Actuacións e conceptos subvencionados e importe máximo de axuda

Ao abeiro deste convenio, serán subvencionables as seguintes actuacións e conceptos de gasto executados na anualidade 2025 cos importes máximos detallados:

I. Encontro Intersectorial

Concepto	2025
Aluguer de espazos, medios técnicos (equipos de son, proxección, iluminación, accesorios, etc.) e montaxes	11.132,00 €
Comunicación (Deseño e impresión de programas, <i>banners</i> , vinilos, <i>roll-ups</i> , cartóns pluma, etc., RRSS, notas de prensa, entrevistas, etc. e retransmisión por <i>streaming</i>)	8.833,00 €
Coordinación e xestión (coordinación de empresas provedoras, xestión de inscricións, xestión orzamentaria, xeración de documentación, etc.)	20.899,00 €
TOTAL	40.864,00 €

II. Xornadas e material de divulgación

Concepto	2025
Accións e materiais dirixidos ao público infantil (alguer de espazos e medios técnicos, montaxe, deseño e xeración/adquisición de materias, catering, servizos de coordinación, comunicación, difusión e execución)	6.720,34 €
Accións e materiais divulgativos dirixidos ao público adulto profesional ou non profesional alguer de espazos e medios	11.700,00 €

técnicos, montaxe, deseño e xeración/adquisición de materias, catering, servizos de coordinación, comunicación, difusión e execución)	
TOTAL	18.420,34 €

SÉTIMA.- Financiamento

1. A Axencia Galega de Industria Forestal (Xera) financiará as accións do presente convenio, con cargo á aplicación orzamentaria 2025 09 A4 741A 781.0, código de proxecto 2019.00002 "**Promoción e calidade**" dos orzamentos xerais da Comunidade Autónoma de Galicia por un importe total de **59.284,34 €**.

Actuación	2025
I. Encontro Intersectorial	40.864,00 €
II. Xornadas e material de divulgación	18.420,34 €
TOTAL	59.284,34 €

2. A Fundación Arume financiará con fondos propios a xestión das invitacións, viaxes e aloxamento dos poñentes así como a atención dos asistentes vinculadas ao encontro intersectorial (actuación I), cun orzamento global estimado na anualidade 2025 de 20.382,36 €.

OITAVA.- Compatibilidade da axuda

1. O financiamento pola Axencia Galega da Industria Forestal das actuacións obxecto do presente convenio será compatible con outras axudas establecidas por outra Administración Pública, organismo ou ente público ou privado, nacional ou internacional para o mesmo fin.

2. O importe das axudas en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade subvencionada.

NOVENA.- Modificación da concesión

1. Toda alteración das condicións tidas en conta para a concesión desta subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación do convenio polo que se regula a presente subvención.



2. Cando por circunstancias técnicas sexa imprescindible variar o contido específico dos investimentos ou os prazos recollidos no presente convenio, a persoa titular da presidencia da Axencia Galega da Industria Forestal poderá acordar a modificación do convenio a instancia da beneficiaria sempre que se cumpran os seguintes requisitos:

- a) Que a actividade, conduta ou modificación do proxecto estea comprendida dentro do obxecto deste convenio.
- b) Que se acredite a inexistencia de prexuízo a terceiros/as.
- c) Que os novos elementos e as circunstancias que motiven a modificación, de teren concorrido na concesión inicial, non supuxesen a denegación da axuda ou subvención.

3. A beneficiaria deberá solicitar esta modificación mediante instancia dirixida á persoa titular da presidencia da Axencia Galega da Industria Forestal, xunto coa documentación acreditativa do cumprimento dos requisitos reflectidos no punto anterior. De non facelo poderá implicar a perda da subvención afectada pola modificación e, no caso de que esta implique unha variación substancial do proxecto inicial, a perda total da subvención concedida.

4. O acto polo que se acorde ou se denegue a modificación da resolución será ditado pola persoa titular da presidencia da Axencia Galega da Industria Forestal, logo da instrución do correspondente expediente ao cal se lle dará audiencia ao interesado nos termos previstos na Lei 9/2007, do 13 de xuño, de subvencións de Galicia.

5. Non obstante, a Comisión de Seguimento disposta na cláusula décimo terceira poderá aprobar modificacións entre as partidas de gastos recollidas na cláusula sexta sen que, en ningún caso, estas ditas modificacións supoñan un incremento do gasto máximo asumido pola Axencia Galega da Industria Forestal.

DÉCIMA.- Prazo e forma de xustificación

1. A Fundación Arume deberá solicitar o pagamento da subvención prevista neste convenio mediante petición expresa dirixida á Axencia Galega da Industria Forestal con data límite de presentación do 17.11.2025.

2. A solicitude de pagamento deberá acompañarse dunha conta xustificativa, tanto dos gastos financiados pola Axencia Galega da Industria Forestal como dos financiados pola Fundación Arume conforme ao establecido na cláusula sétima, e integrada pola seguinte documentación:

- Certificación expedida polo presidente da Fundación Arume, relativa á aprobación polo órgano competente da conta xustificativa da subvención en que se faga constar, como mínimo, de forma detallada:



1.º O cumprimento da finalidade da subvención. Presentar un informe coas actuacións realizadas e os obxectivos acadados, os gastos xerados, as facturas contabilizadas e xustificacións dos pagamentos realizados ao persoal asignado ás actuacións descritas no clausulado do convenio. O informe deberá contemplar o detalle do perfil das persoas docentes e panelistas e, ademais, unha análise do perfil das asistentes de modo presencial e do alcance en streaming.

Así mesmo, incluírá unha reportaxe fotográfica das actuacións desenvolvidas e detalle do cumprimento das obrigas de publicidade respecto da colaboración da Xunta de Galicia e da Axencia Galega da Industria Forestal en todos os materiais e demais documentos que deriven da execución das actividades do convenio así como das publicacións realizadas en redes sociais.

2.º Os distintos conceptos e contías correspondentes aos gastos totais soportados pola entidade beneficiaria imputables a cada unha das actuacións subvencionadas coa seguinte relación: identificación do/a acreedor/a, número de factura ou documento equivalente, importe, data de emisión e data de pago da obriga polo órgano competente.

- Os documentos acreditativos dos gastos realizados con medios ou recursos propios e a indicación, de ser o caso, dos criterios de repartición dos custos xerais e/ou indirectos incorporados na relación a que se fai referencia no punto anterior.
- Unha declaración responsable e detallada respecto doutros ingresos ou subvencións que financiasen a actividade subvencionada con indicación do importe e a súa procedencia ou, de ser o caso, unha declaración responsable respecto da non percepción doutros ingresos ou subvencións.
- De ser o caso, os tres orzamentos que se esixen en aplicación do artigo 29.3.º da Lei 9/2007, do 13 de xuño, de subvencións de Galicia.

UNDÉCIMA.- Minoración da subvención

Procederá a minoración do importe da subvención concedida establecido na cláusula sexta cando as actuacións desenvolvidas e xustificadas ao abeiro do presente convenio teñan un custo inferior ao importe total do financiamento asumido polas dúas entidades participantes no presente convenio que se define na cláusula sétima (79.666,70 €) e **sempre que esta minoración non supoña unha realización deficiente do proxecto**. Producirase a perda do dereito ao cobramento parcial polo importe de minoración da subvención.



DUODÉCIMA.-Reintegro

1. Procederá o reintegro parcial ou total dos fondos percibidos no suposto de incumprimento das condicións establecidas para a súa concesión nos termos previstos no Título II da Lei 9/2007, do 13 de xuño, de subvencións de Galicia.

2. Así mesmo, ao abeiro do disposto no artigo 14.1.n) da Lei 9/2007, os criterios de gradacións dos posibles incumprimentos para determinar a cantidade a minorar serán os seguintes:

- O incumprimento total dos fins para os que se concedeu a axuda, da realización dos gastos subvencionables, ou da obriga de xustificación, dará lugar á perda ao dereito ao cobro, ou no seu caso, ao reintegro da totalidade da axuda concedida.
- Calquera outro incumprimento considerarase incumprimento parcial dos fins para os que se concedeu a axuda, da realización do investimento subvencionable ou da obriga de xustificación e dará lugar á perda do dereito ao cobro ou, no seu caso, na porcentaxe correspondente ao investimento non efectuado ou non xustificada.
- A realización de modificacións non autorizadas no orzamento subvencionable, suporá a perda do dereito ao cobro.

3. Terán a consideración de infraccións leves as establecidas no artigo 54 da *Lei 9/2007, do 13 de xuño, de subvencións de Galicia*, que poderá dar lugar ás sancións pecuniarias establecidas no artigo 59 da devandita Lei 9/2007.

As infraccións graves e moi graves en materia de subvencións, recollidas nos artigos 55 e 56 respectivamente da Lei 9/2007, darán lugar lugar ás sancións previstas no artigo 60 e 61 respectivamente.

DÉCIMO TERCEIRA.- Comisión de seguimento

1. Co fin de velar pola execución do presente convenio, crearase unha Comisión de Seguimento composta por 4 persoas, dúas persoas por cada entidade que participa no presente convenio, nomeadamente:

- Axencia Galega da Industria Forestal.
- Fundación Arume.

2. Estará presidida polo titular da dirección da Axencia Galega da industria Forestal ou representante en quen delegue. Son funcións desta comisión de seguimento:

- a. Velar polo cumprimento do convenio.
- b. Propoñer a aprobación do programa de actuacións e as súas modificacións, de ser o caso.



c. Resolver as incidencias que se poidan producir como consecuencia da execución do convenio

3. Esta comisión constituirase no prazo de quince días (15) contados dende a data de sinatura deste convenio, reunirse inmediatamente para a resolución de calquera incidencia relacionada co convenio e, ademais, realizará as funcións que lle atribúen as demais cláusulas deste convenio.

DÉCIMO CUARTA.- Dirección, medios humanos e materiais e inexistencia de relación laboral

1. A subscrición do presente convenio non implicará relación laboral, contractual ou de calquera outro tipo entre os profesionais que realicen as actividades obxecto deste convenio e a Axencia Galega de Industria Forestal.

2. Todo o persoal que participe ao abeiro deste convenio, desenvolvendo as accións descritas, dependerá tanto xurídica como organicamente da Fundación Arume e, en ningún caso, terá vínculo laboral coa Xunta de Galicia. Polo tanto, a Fundación Arume asumirá o pagamento dos salarios, a concesión de permisos, licencias, vacacións e, no seu caso, substitucións; imposición, cando proceda, de sancións disciplinarias e cantos efectos de Seguridade Social se deriven, en particular, o abono de cotizacións e o pagamento de prestacións e cantos outros dereitos e obrigas se deriven da relación contractual entre empregado e empregador.

3. A Fundación Arume deberá cumprir coa normativa vixente de prevención de riscos laborais para a realización dos traballos aos que se refire o presente convenio, asumindo as responsabilidades derivadas do incumprimento das súas cláusulas.

DÉCIMO QUINTA.- Responsabilidade das actuacións

A subscrición do presente convenio non implicará relación contractual de ningún tipo entre as asinantes de tal xeito que á Axencia Galega de Industria Forestal non se lle poderá esixir responsabilidade algunha nin directa, nin indirecta nin subsidiaria respecto do desenvolvemento e feitos acaecidos no desenvolvemento das actividades subvencionada e respecto da información ou opinións vertidas.

DÉCIMO SEXTA.- Protección de datos de carácter persoal

1. As partes asinantes obríganse ao cumprimento do *Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos)* e das demais disposicións vixentes sobre a materia.



2. Os datos de carácter persoal aos que teña acceso en virtude deste convenio serán tratados por ambas as dúas partes asinantes coa finalidade de levar a cabo a tramitación administrativa que se derive da súa xestión.

3. O tratamento dos datos baséase no exercicio de poderes públicos de conformidade coa normativa recollida nas cláusulas do convenio e as referencias recollidas na páxina <https://www.xunta.gal/información-xeral-proteccion-datos>. Con todo, determinados tratamentos poderán fundamentarse no consentimento das persoas interesadas. Estas poderán solicitar o acceso á rectificación e supresión dos seus datos, así como exercitar outros dereitos ou retirar o seu consentimento, a través da sede electrónica da Xunta de Galicia, ou de xeito presencial, nos lugares e rexistros establecidos na normativa reguladora do procedemento administrativo común, segundo se explicita na información recollida en <https://www.xunta.gal/proteccion-datos-persoais>.

4. Así mesmo, en aplicación deste convenio, respectaranse cantas esixencias están dispostas na Lei Orgánica 3/2018, do 5 de decembro, de protección de datos e garantía dos dereitos dixitais, adoptando as medidas que resulten necesarias para cumprir as súas previsións e, en particular, para garantir a seguridade e a integridade dos datos e a súa protección fronte alteracións, a perdas, a tratamentos ou accesos non autorizados.

DÉCIMO SÉTIMA.- Publicidade

A Fundación Arume fará constar a colaboración da Xunta de Galicia en todos os materiais e demais documentos que deriven da execución das actividades do convenio e incluírá o logo da Xunta de Galicia, conforme ao establecido no Manual de identidade corporativa.

Por engadido, nas publicacións realizadas en redes sociais relativas, incluírá o cancelo «#GaliciaéMadeira» e empregará a ferramenta @ para enlazar correctamente cos perfís da Axencia:

- LinkedIn: www.linkedin.com/company/xera-axencia-da-industria-forestal
- Facebook: www.facebook.com/xeraindustriaforestal
- Instagram: <https://www.instagram.com/xera.xunta/>

DÉCIMO OITAVA.- Transparencia

As partes asinantes deste convenio outorgan o seu consentimento para que os datos persoais e o resto das especificacións que constan no citado convenio sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, no Decreto

126/2006, do 20 de xullo, polo que se regula o Rexistro de Convenios da Xunta de Galicia e en concordancia coa da Lei 19/2013, do 9 de decembro, de transparencia, acceso á información pública e bo goberno e o Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia.

En cumprimento do disposto no artigo 20 da Lei 38/2003, de 17 de novembro, xeral de subvencións, o texto do convenio e a información requirida no ordinal oitavo do devandito artigo será comunicado á Base de datos nacional de subvencións (BDNS).

DÉCIMO NOVENA.- Vixencia

O presente convenio producirá efectos dende a súa sinatura ata o 15.12.2025, sen prexuízo de que serán subvencionables os gastos necesarios para a execución das actividades que nel se recollen e nos que se incorrera dende do 01.01.2025.

VIXÉSIMA.- Resolución

O presente convenio resolverase por incumprimento total ou parcial dalgunha das cláusulas que o regulan ou polo transcurso do tempo estipulado sen que se realicen os investimentos.

Así mesmo, poderase resolver por denuncia unilateral de calquera das partes previa comunicación á outra parte con quince días de antelación.

VIXÉSIMA PRIMEIRA.- Xurisdición competente

De conformidade co disposto na *Lei 29/1998, de 13 de xullo, a xurisdición contencioso-administrativa* será competente para entender os litixios que puideran xurdir na interpretación e cumprimento do presente convenio, que non puideran ser resoltas polas partes.

E, en proba de conformidade, asíñase dixitalmente o presente convenio.

Axencia Galega da Industria
Forestal

María Jesús Lorenzana Somoza
Presidenta

Fundación Arume

Xosé Manuel Mera Iglesias
Presidente